

Jetzt verstehense sich widder

Deletzt beim Frihschoppe hawwe merr uns iwwer die Frau Pauli unnerhalle unn doodriwwer, dass die vorgeschlaache hott, dass e Eh nooch siwwwe Johr so ohne weite-res getrennt werrn kennt.

Josses naa, hott de Schorsch gemoont, wenn ich droo denk was uns doo alles entgon-ge iss. Honnes, mir sinn halt vill zu frieh uff die Welt kumme.

Ja, Schorsch, habb ich ze Antwort gewwe, unserooner iss fuffzich Johr verheirat unn hott aach immer noch gemoont, dass dess nit schlecht wär.

De Karl sächt: Wenn merr länger verheirat iss, lässt merr sich nimmi so leicht scheide.

De Schorsch hott mettem Kopp gewackelt. Ich waaß nit, ob dess stimmt. Wenn ich dess so vom Hommer Heine heer ...

Ich habb de Schorsch oogeguckt. No, was heert merr dann vom Heine?

De Schorsch hott dann verzählt: De Heine hott doch e nei Hüft kriegt, in Wissbade, unn doodenooch isser in die Reha kumme, nooch Bad Schwalbach. Drei Woche warer dort unn seiter vor verrzeh Daach hoomkumme iss, iss bei dene alls Krach im Haus. Emm Heine soi Fraa, die Rosa, det nor noch uff de Couch sitze unn flenne, de Heine det die Diern hinner sich zuschmeiße unn hätt dauernd die Bierflasch in de Hond. Du verstiechst mich nimmi, det die Rosa monchmol so laut kreische, dass merrs uff de Strooß heern kennt, awwer dess det dem Heine nix ausmache.

Hotter e onner kennegelernt in de Reha?, habb ich de Schorsch gefroocht.

Awwer dess hotter nit gewusst, unn de Karl hott gesacht: Ich waaß ess aach nit, awwer ich habb geheert, dass die Rosa dem Heine in e ruhisch Minutt vorgeschlaache hätt, uff so e Stell ze geh, die oom berate det. Jetzt wärnse doch so long sesomme, hädde nächst Johr Goldern Hochzeit unn jetz dess. Die gonz Nachberschaft det sich schunns Maul verrobbe iwwer sie, nor weil de Heine seit de Reha die Rosa nimmi verstehe det.

Ich saach: So ebbes kimmt joo nit von heit uff moie, doo muss schunn vorher was ge-wese soi. De Heine war in de letzt Zeit aach e bissi komisch, er hott immer dann, wenn merrn getroffe hott, so e Gesicht gemacht als ob er garnit debei wär. Wer waaß on was odder on wen der immer gedenkt hott.

Dem Karl iss noch was oigefalle. Ach so, ja, de Heine hott mir vor kurzem zugeflistert, dess wär joo alles leichter ze entscheide, wenn die Sach nit so vill Geld koste det.

Ich druff: Gonz schlimm, wenn merr sich in unsem Alder nit mehr verstehe dut.

In dem Aacheblick hott de Schorsch de Karl unn mich oogestumpt unn genuschelt: Wenn merr vom Deifel redd ... unn schunn hott de Heine vor unserm Disch gestonne.

Ich hadd deerst widder moi Sprooch gefunne. Setz dich, Heine.

Der hott noch nit richdisch gesotze, hotter schunn von selbst oogefonge. Ihr Männer, was bin ich so froh. Ess hott long gedauert, awwer jetz habb ich e richdisch Entschei-dung getroffe.

Unn?, hotten de Schorsch gefroocht.

De Heine druff: Die Rosa hott merr joo die gonz Zeit schunn gesacht, dass ich se nimmi verstehe det unn seit de Reha isses bei mir immer schlimmer worrn. Awwer dann hawwe merr uns berote losse unn doodenooch habb ich mich dorschgerunge. Es hott merr nit so gebasst unn hott joo aach enn Haufe Geld gekost, awwer jetz habb ich merr doch e Heergerät mache losse.

Eiern Honnes